

և որք եղեալ են նշանս և բանս խօսից պսակի ա-
մուսնութեան՝ յետս դարձցի և առաջի իմ լիցի ամե-
նայն, որ եղեն իսկ: Եւ բազում չհաս և մեղօք կոյս
ընդ այրոյ և այրի ընդ պոռնկի նշան եղեալ էին Դ
ամօք և Զ՝ յետս դարձոյց զամենեսեան: Եւ ևս ի նոյն
եղանակն, զոր դրամով վաճառէին զօրէնս՝ արգի-
լէր, մինչդեռ պսակաց շաբաթքն չէր, զի եղիական
պահոցն նստաւ յաթոռ. և այնքն հնազանդեալ կա-
մայ և յակամայ վասն յորդորանացն և անաչառու-
թեանն: Զի և ոչ նստաւ ի մի յեկեղեցի, այլ նախ
ի Սուրբ Նիկողոս շաբաթ մի, և տեսանէր զամենայն,
և ապա յԱստուածածին, նոյնպէս և յայլսն: Եւ զաս
և քարոզ, չարեացն չարիք և բարեացն բարիք, ըղ-
գուշացուցանէր ամէնիմաստ վարդապետութեամբ իւ-
րով: Բայց նզովեալ ոմն Մինէ անուն կին (պաշապ)
մայր Իպրահիմի, որ նախ կարգեալ զօրդին չհաս մե-
ղօք. եւ յորժամ կինն մեռանէր եւ լինէր այրի, եւ
առնէ զթոռ անողորմ Պետրոսի ումիմն կոյս ի կնու-
թիւն սե պսակօք: Յետ ոչ բազում ամաց մեռաւ և
Իպրահիմն, մնաց ուստր մի և դուստր մի ծնունդք¹⁾
չարեաց: Այս աղջկան նշան դնեն Այվատի որդոյ ու-
մեմն Գարբէլի, զոր խնդրեցին հրաման պսակի, եւ
տեսանէր մեղօք այսպէս. Յակոբ տիրացու անիծեալ
ոմն առեալ է սան զկին Յակոբի ոմն, որ եղբօրորդի
է Գարբէլիս, և առեալ է սան զնշանածն Գարբէլին:
Եւ վարդապետն նզովեաց զեղօղս նշանին, և բա-
զումք եկին զմիտս սորա հաճել բազում կերպիւ, և
ոչ տայր տեղիք: Մամ աղջկանն որ Մինէ ասացաւ,
բանվոր էր սուլթանի զայմախամին. ծանոյց նմա, և
սուլթանն սուաքեաց զքէհեա պալթաճոցն առ վար-
դապետն թէ կամք է սուլթանին և խնդիր է նորա

1) ծնունդդ.